

Infurmaziun dal Cgcf

Il Corp da guardias da cunfin – amez la vita




Schweizerische Eidgenossenschaft
Confédération suisse
Confederazione Svizzera
Confederaziun svizra

Departament federal da finanzas DFF
Administraziun federala duana AFD
Corp da guardias da cunfin Cgcf

Guardia da cunfin cun certificat professiunal federal

Per in avegnir cun perspectivas



Senza cunfins

Nus vulain far cun Vus en questa broschura in viadi tras noss mintgadi ed As dar in'invista en nossa professiun e nossas activitads. Accumpagnai nus en il mund multifar da las guardias da cunfin!


Sin quest mund na pari da dar nagins cunfins pli. Ils umans e la rauba daventan pli e pli mobilis e colliads in cun l'auter. La distanza n'è oz nagin impeditment pli. Quai ch'è agreeabel per ils viagiaturi, è dentant era collà cun ristgas. Era la criminalitat transconfinala è numnadaman daventada pli flexibla e mobila. Drogas, armas, la lavada da daners suspectus, il commerzi cun umans e falsificaziuns da documents – quai è mo in pitschen extract dal repertori d'aspects negativs da quest mund senza cunfins.

Il Corp svizzer da guardias da cunfin (Cgcf) è la part uniformada ed armada da l'Administraziun federala da duana (AFD) ed appartegna uschia al Departament federal

da finanzas (DFF). El è activ en ils secturs da la duana, da la polizia da segirezza e da la migraziun. Il Cgcf, sco pli grond organ da segirezza naziunal civil, è l'emprim filter da segirezza da la Svizra e contribuescha uschia a la protecziun interna dal pajais. Dapi sia creazion avant passa tschient onns è il corp stà suttapost a midadas rasantas. Nossa structura ed ils meds d'intervenziun moderns satisfan a las pretensiuns dad oz. La guardia da cunfin è pli moderna, flexibla e mobila che mai.



«Qua sun jau
part da l'actualitat»





L'organisaziun

Il commando dal Cgcf, cun sedia a Berna, è responsabel per il nivel strategic e fixescha las prioritats. Ad el èn suttamess principalmain ils secturs da la doctrina, da l'intervenziun, da la furmaziun, sco era da la tecnica e logistica. Il nivel operativ sa constituescha da las otg regiuns da guardias da cunfin (I-VIII), definidas tenor criteris geotactics. Mintgina da questas regiuns vegn manada d'in cumendant, è structurada a moda omogena, ma resguarda las particularitads ed ils basegns regionalis, ed è perquai different gronda. Sin il nivel tactic è la direcziun affidada als chefs dals posts. A mintga cumendant èn suttamess plirs posts. Ils differents posts da guardias da cunfin èn mintgamai sutdividids en teams da var diesch persunas.

In element impurtant da l'agid al commando sin plaun svizzer èn las quatter centralas d'acziun modernas che coordineschan las acziuns. In center d'analisa e d'infur-maziun intern, era domicilià a Berna, derasa permanentamain in'analisa actualisada da la situaziun en Svizra, era per autoritads partenarias externas. L'associazion da furmaziun dal Cgcf procura ultra da quai per la scolaziun ed il perfecziunament professional da tut ils commembers dal Corp da guardias da cunfin en il center da scolaziun e da cumpetenza a Liestal.

Las incumbensas

Il Corp da guardias da cunfin ha trais champs d'incumbensas strategics.

Incumbensas da la duana

En quest sectur han las guardias da cunfin tranter auter d'incassar la taglia sin la plivalur ed il dazi, da cumbatter la contrabanda ed il commerzi cun meuds narcotics, cun armas, material da guerra, spezias d'animals protegidas, bains culturals e cun artitgels da marca falsifitgads, sco era d'ademplir incumbensas en ils champs da l'economia, dal commerzi e da la polizia sanitara.

Incumbensas da la polizia da segrezza

Quest champ cumpiglia surtut l'investigaziun da persunas, d'objects e da vehichels e la scuvrida da falsificaziuns da documents per impedir tranter auter la criminalitat transcunfinala.

Incumbensas da la polizia d'esters

En quest sectur han las guardias da cunfin da cumbatter las entradas e sortidas illegalas, sco era la dimora illegala, la lavour clandestina, l'activitat da contrabandists ed il commerzi cun umans.

«La laver en il Corp da guardias da cunfin ma porscha
blera variaziun – e perspectivas interessantas»



Sin nivel regiunal

La Guardia da cunfin è enragischada fermamain en las differentas regiuns da la Svizra. Tras la laver quotidiana sin ils posts da cunfin dal pajais è il Cgcf vegni percepì durant blers onns surtut sco organisaziun statica. Per motivs tactics, per nizzegiar las sinergias e resursas, sco era sin fundament da l'adesiun da la Svizra a Schengen èn nossas collavuraturas e noss collavuratuss gia pli ditg era preschents en il sectur da cunfin schlargin. Las controllas en ils trexs e las patruglias mobilas en las regiuns da cunfin pli vastas fan part da questa midada vesaivla da la doctrina d'acziun dal Corp da guardias da cunfin.

Per garantir la segirezza en il rom da noss mandat e per pudair reagir a moda adequata en mintga situaziun, èsi necessari d'avair ina structura d'intervenziun flexibla. Per quai essan nus 24 uras al di preschents bunamain daper-tut cun nossas patruglias mobilas: als posts da cunfin, sin la champagna, en ils trexs, sin las plazzas aviaticas, sin l'aua u en las regiuns da cunfin da la Svizra.

Sin nivel internaziunal

Cun l'adesiun a Schengen ha la Svizra ditg «gea» ad in'Europa segira. L'idea fundamentala è da facilitar la cir-culaziun da las persunas en il spazi da Schengen, senza che quai gaja però a quint da la segirezza. Per quest intent èn vegnidas abolidas las controllas da persunas si-stematicas tranter ils stadiis da Schengen. Cunquai che la Svizra n'è dentant betg commembra da l'Uniu europeica ed era betg commembra da l'Uniu europeica da du-an, fa il Corp da guardias da cunfin vinavant controllas da duana. En il rom da Schengen è la segirezza ultra da quai vegnida rinforzada cun ina retscha da mesiras diffe-rentas: la collavuraziun transconfinala da la polizia e gius-tia è vegnida intensivada. La Svizra ha access a bancas da datas d'investigaziun internaziunalas (sistem d'infur-maziun da Schengen SIS) ed ella profitescha da la protecziun dals cunfins externs da Schengen. A questa protecziun partecipescha ella en il rom da la cooperaziun dal Corp da guardias da cunfin cun l'agentura europeica per la pro-tecziun dals cunfins Frontex. Ultra da quai lavuran plirs commembres da la guardia da cunfin permanentamain en differentas ambassadas sco cussegliaders en dumon-das da documents. Ils commembres dal Corp da guardias da cunfin èn engaschads en ils pli differents champs d'incumbensas a l'exterior. Els han damai perspectivas professionalas interessantas e pon augmentar cuntinua-damain lur know-how.

Sin nivel naziunal

Sco organ da segirezza naziunal da la Svizra collavura il Corp da guardias da cunfin stretgamain cun ses partenariis. Sin plaun naziunal èn quai surtut las autoritads fede-ralas sco l'Uffizi federal da polizia (fedpol) u l'Uffizi fede-ral da migrazion (UFM), e sin nivel operaziunal ils partenariis chantunals, en emprima lingia ils corps da po-lizia. En il rom da sia laver sa basa il Corp da guardias da cunfin sin ils contracts cun ils differents chantuns. Quests contracts reglan la delegaziun da las competenzas al Cgcf, sco era la repartiziun da las incumbensas tranter ils partenariis. Questa cooperaziun permetta da nizzegiar meglier las sinergias e d'augmentar la segirezza da la Svizra.



«Il contact cun umans da tut il mund
avra novs orizonts»



La diversidad

Al post da cunfin, cun in team en il tren, sin patruglia en l'auto da servetsch ubain a la plaza aviatica – il mintgadi da las guardias da cunfin è multifar. La guardia da cunfin tscherna ils meds adattads a basa da valitaziuns e d'analisas da la situaziun. Quai garantescha che las resursas veggan impundidas da tut temp a moda proporziunala ed adequa. Per far cun success ina controlla da persunas u da rauba èsi indispensabel d'avair fitg bunas enconuschien-


tschas da l'uman e da sa preschentar a moda averta e cordiala, ma era segira e cumpetenta. Il Cgcf garantescha numnadamain l'applicaziun da passa 100 disposiziuns giuridicas. Tar nus èn la finala davos mintga unifurma dunnas ed umens che aman lur professiun e protegian la Svizra cun luschezza.



«Nus essan in ferm team –
tant or en la natira sco er en il servetsch intern»



Las regiuns da la guardia da cunfin I fin VIII







La sfida

La vita professiunala quotidiana ed ils contacts cun las pli differentas persunas pretendan da nossas collavuraturas e da noss collavuraturs di per di in'auto abilitad da s'adattar. Controllar ina persuna en viadi vul dir evaluar, reagir e decider a moda correspundenta, senza dentant emblidar l'incumbensa da basa. Quai pretenda ina fitg buna conscienza da sasez ed autas cumpetenzas interumanas.

En bleras situaziuns intervegnin nus en la rutina da mintgadi da las persunas che nus controllain. Noss deportament u il cumportament dals viagiaturi èn en tals muments criteris decisivs per il decurs da la controlla. Cumpetenzas-clav sco l'interess per l'uman, la flexibladad e l'abilitad da

lavurar en in team èn perquai qualitads fundamentalas da mintga commember dal Corp da guardias da cunfin. Ultra d'ina scolaziun da basa solida e pretensiusa èn er il saun intelletg ed il famus sisavel senn capacitads indispensablas per ina guardia da cunfin. Bunas abilitads communicativas cumpletteschan il profil dals collavuraturs.

Las guardias da cunfin lavuran mintga di or en il liber, uschia ch'ina tscherta robustedad corporala è fitg importante. Tgi che na tema era betg la plievgia e la naiv, chatta qua sia sfida persunala.

Ina sfida per Vus?

Guardia da cunfin – ina professiun cun avegnir




6101 r



Schweizerische Eidgenossenschaft
Confédération suisse
Confederazione Svizzera
Confederaziun svizra

Departament federal da finanzas DFF
Administraziun federala duana AFD
Corp da guardias da cunfin Cgcf

«Incredibel tge ch'ins po tut
emprender qua!»



La scolaziun

La scolaziun da basa cumplessiva acquistais Vus en il de curs d'in onn – e quai cun ina paja cumplaina. Ils roms instruids cumpigliant tranter auter las prescripcions d'entrada ed il servetsch da duana, la surveglianza dals cunfins, il tir sco era la lingua englaise e la psicologia da laver. L'acquisiziun da las enconuschienschas professionalas n'è dentant betg terminada cun la surdada dal certificat professional federal: las guardias da cunfin sa perfecziuneschan permanent tamain. En emprima lingia perquai ch'ellas han la tenuta e la voluntad correspundenta, e secundo perquai che las pretensiuns a lur professiun èn suttapostas a midadas rasantas.

Las pussaivladads da far carriera èn multifaras: schef/fa da team, schef/fa da post, schef/fa d'acziun u uffizier/a. L'examen professional superiur è in'ulteriura schanza d'augmentar l'orizont e da meglierar las perspectivas professionalas.

Bunas perspectivas da svilup, in aut grad d'atgna responsabladad e cundiziuns da laver progressivas tenor la lescha davart il personal da la Confederaziun: Tut quai pudain nus offrir a Vus!



Bun da savair



Manaschi da scola en il Center da scolaziun a Liestal (CSL)

Glindesdi–venderdi, 7.30–11.30 e 13.30–17.30

2 uras sport e nudar ad emna

La scolaziun en il CSL ha lieu da glindesdi fin venderdi en il manaschi d'internat.

Pernottaziun en chombras dublas en il CSL.

Tut las tschaveras vegnan mangiadas en la cantina dal CSL.



Tge che spetga Vus en la scolaziun da basa

1. onn, scolaziun da basa

Surveglianza dals cunfins	4 emnas
Servetsch da duana	4 emnas
Dretg	4 emnas
Criminalistica	1 emna
Investigaziun	1 emna
Controlla da documents	1 emna
Tir, segirezza e tecnica d'intervenziun	5 emnas
Competenzas psicosocialas	1 emna
Emna da sport	1 emna
Surveglianza dals cunfins (pratica, competenzas d'agir)	16 emnas

2. onn

Servetsch d'urden	2 emnas
Tschertga e salvament	3 emnas
Duana	1 emna

3. onn

Controlla da documents	1 emna
Tactica d'intervenziun	3 emnas
Criminalistica	3 emnas
Investigaziuns da duana	3 emnas

«La scolaziun cumplessiva è ina preparaziun
optimala per mes mintgadi professiunal»






La pretensiuns

Vus essas burgais svizzer/burgaisa svizra u burgais dubel, avais tranter 20 e 35 onns e terminà in emprendisadi da trais onns u ina scolazion equivalenta. Ultra da quai disponis Vus d'ina conduita irreproschabla, da relaziuns finanzialas regularas, avais ina buna resistenza corporala ed ina grondezza minimala da 168cm (umens) resp. 160cm (dunna). In permiss dad ir cun auto da la categoria B è medemamain necessari. Igl è evident che las guardias da cunfin na sa distinguon betg mo tras lur competenzas professiunalas, mabain era tras lur fermezza da caracter e lur equiliber psichic.

Sche Vus possedais ulteriuras caracteristicas persunalas sco inabilitad da sa far valair, flexibladad, avertadad ed in spiert da gruppera, na stat nagut pli enta pes a Vossa candidatura.

Ils documents d'annunzia ed ulteriuras infurmaziuns chat-tais Vus en l'internet sut: www.gwk.ch

«En mia professiun ma stattan
avertas numerusas portas»



La scolaziun da spezialists

Ozendi pretenda il cumbat cunter la criminalitat enconuschiantschas spezialisadas. Perquai collavuran ils pli differents spezialists en il Corp da guardias da cunfin.

Ils manaders da chauns per exemplu furman, enslemen cun lur chauns spezialisads sin medis narcotics e materials explosivs in element impurtant da la controlla quotidiana. Ultra da quai èn ils sustants secturs spezialisads, occupads da guardias da cunfin cun in'instrucziun specifica, in sustegn indispensabel en la laver da mintgadi: falsificaziun da documents, medis narcotics, revisiun da vehichels e procuraziun d'infurmaziuns.

La furmaziun speziala da l'AFD è responsabla per l'investigaziun da duana che cumbatta la criminalitat organisada. Er en il sectur dal servetsch d'urden, da la transmissiun e da la surveglianza or da l'aria ha il Cgcf agens spezialists. Las pussaivladads da perfecziunament e da svilup èn pia praticamain illimitadas.

Manader d'acziun da dronas



Comember dal team da helicopter



Observaziun



Servetsch d'urden



Indriz da radiografia mobil



Equipa mobila per la revisiun d'autos